



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. III. An valeat sententia contar communem, & receptam opinionem?

[urn:nbn:de:hbz:466:1-73001](#)

lum, ut constet, an Reus sit *absolutus simpliciter*? an tantum ab ea *instantia*? & ejusmodi casu etiam omisso expressio-
ne causæ sententia valet: & ex hoc fine
expressio causæ exigitur in casu. 1. 2. &
4. quandōque requiritur, ne Reus, oc-
casione rei *judicatæ*, *incipiat possidere*,
v. g. quando fuit *absolutus*; *quia non pos-
sedit*, prout hoc contingit in casu tertio;
in casu autem quinto id fieri debet ad via-
tandam communicationem cum *excom-
municato*: in sexto autem id *solum* exigi-
tur, non necessitate; sed ubi expediens
videbitur, ut cæteròquin parcatur prioris
Judicis Authoritate, ne vilesat publica-
tione etròris.

2519.

Cæterum, non est dubium, quod sen-
tentia Judicis continere debeat *absolutio-
nem*, vel *condemnationem*, saltem *equi-
pollenter*, ut dicitur L. *Præses. 3. C. de sen-
tentijs*, & interlocutionibus omnium Ju-
dicum ibi: *Præses Provincie non ignorat,
definitivam sententiam, qua condemna-
tionem, vel absolutionem non continet,
pro justa non haberi: ubi Glossa lit. f. alio-
quin, ait, ipso jure nulla est: dixi saltem
equipollenter propter c. In his. 15. de Verb.
signif. ubi mota est questio, an valeat
sententia Judicis, qui in prolatione senten-
tiaz his verbis non fuit usus: *talem partem
condemno, vel talem absolvo*: sed pronun-
tiavit, ita *statuo*, & *præcipio* ad quod Pon-
tifex: attendentes igitur, quod hoc ver-
bum, *statuo*, rem perfectam significat:
& cum effectu, non verbo tenus accipitur.
Item, secundum Gregorium, quod *præ-
cipitur, imperatur: & quod imperatur,
necessè est fieri*: & aliquando si non fiat,
pœnam habet. Considerantes nihilominus,
quod non debet aliquis considerare
verba, sed voluntatem, cum non in-
tentio verbis, sed verba intentioni debeant
deservire: interpretamur procuratoribus
utriusque partis *præsentibus*, & *defini-
mus, quod præfati Archiepiscopi verba, ta-
li formâ prolata, perpetuò valiturae
sententia obtineant firmi-
tatem.**



Q. III.

*An valeat sententia contra communem,
& receptam opinionem?*

VIdetur dicendum, quod non 1. quia ²⁵²⁰ communis opinio pro lege est, & tan-
quam jus servatur; atqui sententia, con-
tra jus lata, est ipso jure nulla; ergo &c.
Majorem probare volunt ex L. 3. ff. de
Offic. *Præsid. Q. 7 J. de Testam. Ord. L. 3.*
*ff. de Suppl. leg. L. 4 ff. de his qui not. in-
fam. L. 12. ff. de instructo, vel instr. leg.*
2. quia manifesta iniquitas comparatur
nullitat: atqui sententia, contra com-
munem, est manifestè iniqua: ergo nulla.
3. communis opinio est observanda in so-
ro §. fin. *Inst. qui satisdare cog. ubi Just.*
*ait, omnia apertius à quotidiano judicio-
rum usu, ipsis rerum documentis appo-
nere.*

Sed contrarium dicendum est, nempe, ²⁵²¹
valere *talem sententiam*, quamvis appella-
tione interposita, legitimè rescindi pos-
sit. Nam, si sententia valet, lata contra
jus certum, quando *Judex* putat, ei non
esse locum in *præsenti* casu; à fortiori va-
lebit, ubi est contra jus non certum; sed
illa valet ex n. 2512. ergo & ista Ma. con-
stat ex eo, quia, licet opinio sit commu-
nis, non tamen facit certitudinem; cum
stet intra solam probabilitatem, cuius na-
tura est, exhibere prudens fundamentum,
in re incerta, uni parti contradictionis,
per assensum accedendi. Nec dubium
est, opinionem communem, etiam multo
tempore habitam, *ut probabilem*, possè
dificere à vi sua, inventa etiam per
unum Authorem gravi ratione, quæ de-
tegat errorem latentem, quo prius non
cognito, tanquam communi sensu appro-
bata tenebatur; nec obstante contraria. ²⁵²²

Ad 1. *Resp. in L. 3. de offic. Præsidis,*
nihil horum haberi, sed tantum dici ubi,
& in quos imperium habeat *Præses*. In
cit. §. 7. *solum* dicitur, quod error in fa-
cto, commissus à *Testatore*, *jus faciat*,
seu tribuat *Legatario*. *L. 3. de Suppellecti-
legat.* *solum* explicat, quæ veniant nomi-
ne *Suppellectilis*, dum ista legata est; & sic
de aliis; unde N. Ma. ut colligi potest ex
*L. 5. §. penult. ff. de impensis in rem dota-
lem factis*, ubi contra communem sen-
ten-

tentiam negantem, quod vir, qui soluto matrimonio autem intergam restituit, nec detraxit expensas, possit eas repetere, statbatur opinio Marcelli contrarium dicentis; cui suffragatur, quod dixit Justin.

L. 1. Q. 6. C. de veteri jure enucleando ibi: sed neque ex multitudine Auctorum, quod melius, & aequius est, judicato: cum posset forsitan, & deterioris sententia, & multas, majores in aliquaparte superare.

2523. Ad 2. N. min. nam per hoc, quod aliquid affirmet communis opinio, non propterea definit res esse incerta; alias enim non diceretur esse sub opinione, id, quod recte notavit Justinianus Imperator, in fine præcedentis numeri relatus. Ad 3. Resp. licet verum sit, communem opinionem rectius servari in foro, ut ipsi diximus; & Judicem etiam teneri in judicio sequi opinionem probabiliorem, reliqua minus probabili, secundum dicta superiorius; ex hoc tamen non sequi, sententiam latam contra communem opinionem à Judice, ipso jure nullam esse; tum quia etiam communis opinio non eo ipso est notoriè vera, & potest esse falsa; tum quia fieri potest, quod Judex procedat ex tam gravi fundamento, ut contra illud nihil virium habeat opinio communis.

2524. Si queras, an Judex, judicando contra communem opinionem, litem faciat suam? in utramque partem disputant Doctores; mihi dicendum videtur, quod non, si procedat ex fundamento solido, cui non facile fiat per momenta rationum, quibus nascitur opinio communis; sic enim judicando, contra communem, non est temerarius; nec judicat imperite, nec etiam dolosè, vel corruptus, in quibus solis casibus dicitur, litem suam facere, & partea damnum restituere ex quasi delicto, vel etiam delicto. In questione autem (an Judex possit repetere, damnum, solutum ab eo, pro quo judicavit) verior videatur negativa; cum hæc pena sit personalis, utpote sequens, atque tenens suum Authorem; id, quod argui potest ex L. 5. C. de servis fugitiis, ubi. Defensori civitatis, propter commissam negligentiam in requirendo solicitatore, & revocando Reo solicitato, non conceditur, ut à solicitatore, cui profuit negliendo, repetere possit duos servos, quos in negligentiam pœna, loco fugitiivi, præstare debuit.

Nequè sumitur recte paritas ad præsentem casum à Judice, cui (dum per annum non exigit, quod militibus debetur) de proprio solvere coacto, conceditur repetitio ab his, qui in causa fuerunt solutionis non factæ ut dicitur L. 6. de ex actionib. tributorum. Rationem discriminis appositiè reddit Haunoldus. tom. 5. de Jure, & Just. tr. 6. n. 6 §. Nam in casu dictæ legis Judex tantum solvit, ut fidejussionem (nimis loco, qui jam efficaciter jure actionis obstricti erant Fisco) at quando Judex, contra communem, absolvit partem à debito, ex gravi, fundamento, quo procedit, pars absoluta non erat aliter obligata debito: ergo.

Q. IV.

An sententia beat esse conformis Libello:

Ante resolut. not. sententiam dici Libello conformem in re, si non pronuntiatur de alio, quam, quod in Libello principaliter intenditur, seu petitur; in causa, si per sententiam non proferatur alia causa, quam cui initititur petitio: in actione, si Judex sequatur illam actionem, quam Actor instituit, licet alias pinguiorem, seu meliorem habuisset. Not. 2. sententiam dici conformem Libello in re, quando pronuntiatum non tantum de re principaliter intenta, & petita; sed etiam super correlativis, seu annexis naturæ petitum, vel etiam his, quæ virtualiter, & quasi tacite insunt; quibus positis:

2525.

Dicendum, sententiam Ordinariè, ac regulariter, debere conformem esse Libello hoc est, Judicem regulariter pronuntiare deberet de illa causa, quam actor deduxit in judicium; & non de alia; unde ubi in judicio actum est de possessione, non debet Judex pronuntiare de proprietate; & econtra. Hoc assertum deducitur. 1. ex Clementina s̄p. 2. de Verb. signific. ibi: Verum, quia juxta petitionis formam pronuntiatio sequi debet, pro parte agentis, & etiam rei: si quid petere voluerit, est in ipso litis exordio petitio facienda, sive scriptis, sive verbo; actis tamen continuo (ut super quibus positiones, & articuli formati debeant, possit haberi plenior certitudo, & ut fiat definitio clarior)

inle-